

Weh Wi Ga Fi Seh

Memba fi chreet ada pipl
how yu waahn dehn
chreet yoo!

Dehn 1960s - 1970s Pasenja Chrok

Di ada day Ah mi deh da Boom di heng owt wid sohn fren ahn kompni. Wi dehdeh di taak fahn wan ting tu di ada. Sodn-wan wi taakin ton tu di dayz a Boom feri bifoal di brij mi dehdeh—wichin now dat da di oal Boom brij. Ahn how sohn a dehn bwai doz goh swim bai di feri eena dehndeh dayz bak wen.

Pahn tap, da neva mi laik tudeh day, wid di kech bos. Den, da-mi pasenja chrok mi rool ... wel, bak bak bifoal den, riva mi rool tu. Bot wi taakin mi deh wid pasenja chrok dayz, laik 1960s ahn 1970s (mosi 1950s tu) ahn how dehn boad wi mi-di sidong pan kuda oanli rof op wi bihain afta di bongs ahn wain wid di chrok, di bak kova ahn wid pasenja.

Neks ting, sohnbadji paip een di memba wen wahn pasenja chrok mi ga wahn bad aksident wahn taim pahn wat da tudeh day Philip Goldson Haiway. Ahn dat da how wi spen di Sondeh aftanoon, di chukmowt anda wahn big big big, ahn oal oal oal mengo chree.

Mi pa chak op di chrok weel wid wahn big stoan fi mek ih noh ron dong di hil. My father blocked the wheels of the truck to keep it from rolling down the hill.

Di pikni dehn eena di chrok bak haal di chrapoalin oava dehn hed mek di rayn noh wet dehn. The children in the truck bed hauled the tarpaulin over their heads to keep the rain from getting them wet.

Mi hozban ga wahn big chrok weh ih haal san eena. My husband has a big truck that he hauls sand in.

Di man bring di load a san eena di domp chrok. The man brought the load of sand in the dump truck.